

DESTINATARIO/A: ASTILLEROS GARRIDO, S.L.

RESOLUCIÓN TRÁMITE COMPETENCIA DE PROXECTOS

PORTO	O GROVE - ZONA SUR
-------	--------------------

ANTECEDENTES

Na data **22/02/2022** e número de rexistro **2022/464840**, se recibe unha **SOLICITUDE DE CONCESIÓN DE OCUPACIÓN DO DOMINIO PÚBLICO PORTUARIO DE MÁIS DE 2.500M²** de superficie porto indicado no encabezamento.

CONSIDERACIÓNS LEGAIS E TÉCNICAS

Visto o acordo de inicio de trámite de concesión de data **30/12/2022**.

Como a ocupación de dominio público solicitada é de 2.710,60 m² e excede os 2.500 m² de límite para outorgar de forma directa a concesión administrativa, segundo establece o artigo 68 da Lei 6/2017 de 12 de decembro de portos de Galicia, é necesario o **trámite de competencia de proxectos, para o mesmo fin que o solicitado ou outros diferentes** no ámbito de ocupación solicitado no porto.

De acordo con todo o indicado e en virtude das atribucións conferidas á Presidencia de Portos de Galicia polo artigo 12.3.j) e l) da Lei 6/2017, do 12 de decembro, de portos de Galicia.





RESOLVO

Iniciar o trámite de competencia de proxectos.

En cumprimento do Art. 70.7 se definen expresamente os criterios de valoración da/s proposta/s, tendo en conta que a valoración máxima de cada proposta serían 100 puntos e que en caso de igualdade de valoración se terá en conta a orde na presentación:

- **Rendibilidade e taxas portuarias:** se valorará con 30 puntos sobre 100, outorgando a máxima puntuación á proposta co máximo valor de Taxa de Ocupación do Dominio Público Portuario (TODP), considerando a superficie e uso a desenvolver nela. A valoración será de 0 puntos á proposta con menor valor, o máximo número de puntos a proposta con maior valor e interpolando de maneira lineal o resto delas.
- **Interese portuario e adecuación á planificación portuaria usos portuarios:** segundo o punto 3.3.6 da DEUP do porto de O Grove vixente, no que se definen as actividades complementarias compatibles na zona obxecto do trámite de competencia, se asignarán as seguintes puntuacións ás propostas:
 - 30 puntos sobre 100 a aquelas propostas que desenvolvan usos complementarios vinculados directamente coa actividade portuaria como: estaleiros, varadoiros e construción/repación naval
 - 10 puntos sobre 100 a outros usos complementarios vinculados directamente coa actividade portuaria como: loxística, almacéns, manipulación de produtos do mar, avituallamento e venda de efectos navais
 - 5 puntos sobre 100 a outros usos complementarios como: ocio e hostalería, aparcamento,...
 - 0 puntos sobre 100 a calquera outra actividade
- **Medidas ambientais propostas relativas á actividade a desenvolver:** se valorará con 20 puntos sobre 100, outorgando a máxima puntuación á proposta co máximo valor. A valoración será de 0 puntos á proposta con menor valor, o máximo número de puntos a proposta con maior valor e interpolando de maneira lineal o resto delas
- **Investimento:** se valorará con 15 puntos sobre 100, outorgando a máxima puntuación á proposta co máximo valor. A valoración será de 0 puntos á proposta con menor valor, o máximo número de puntos a proposta con maior valor e interpolando de maneira lineal o resto delas

Explotación e coordinación co resto de operacións portuarias: se valorará con 5 puntos sobre 100, outorgando a máxima puntuación a aquelas propostas que xustifican adecuadamente que desenvolverán actividades na zona de servizo do porto que presten servizo, supoñan sinerxias ou demanden servizos de outros





usuarios ou industrias existentes do porto A valoración será de con 0 puntos sobre 100a aquelas propostas que pola súa natureza desempeñen actividades que requiran algún tipo de coordinación co resto de actividades no porto, o máximo número de puntos segundo o criterio anterior e interpolando de maneira lineal o resto delas. Unha vez recibidas tódalas propostas, segundo é indicado no Art. 70.8, se seleccionará a proposta mellor valorada mediante resolución da Presidencia de Portos de Galicia.

Segundo é indicado no Art. 70.10 se proposta seleccionada desiste de continuar coa tramitación do expediente, con anterioridade a que se emita a resolución de outorgamento, se poderá tramitar a proposta e ofrecer condicións a quen figure de maneira sucesiva na orde de valoración da proposta de resolución das propostas analizadas, non tendo a proposta que desiste o dereito ao abono dos seguintes gastos que se mencionan no Art. 10.11:

"11. En caso de tramitación de solicitudes en competencia, a primeira persoa solicitante terá dereito, en caso de que non se lle outorgue a concesión, ao abono dos gastos do proxecto, que serán satisfeitos pola persoa solicitante seleccionada, sendo neste sentido necesario constatar este abono con carácter previo ao outorgamento del título. En caso de discrepancia sobre os costes, se procederá á súa taxación executiva por Portos de Galicia."

Unha vez concluído o trámite de competencia de proxectos e seleccionada a proposta coa maior puntuación segundo os criterios indicados anteriormente, se continuará co trámite da concesión xunto coa tramitación ambiental da mesma.

Contra esta resolución, que pon fin á vía administrativa, poderase interpor recurso contencioso-administrativo ante o Xulgado do Contencioso-administrativo de Santiago de Compostela no prazo de DOUS (2) MESES contados dende o día seguinte ao da notificación desta resolución.

Non obstante, os interesados poderán interpor contra esta resolución recurso potestativo de reposición, no prazo DUN (1) MES contado a partir do día seguinte ao desta publicación, ante o mesmo órgano que a ditou, de acordo co disposto no artigo 123 e 124 da Lei 39/2015, do 1 de outubro, do Procedemento Administrativo Común das Administracións Públicas.

Mediante este documento notifícaselle esta resolución segundo o esixido no artigo 40 da Lei 39/2015, do 1 de outubro, do Procedemento Administrativo Común das Administracións Públicas.

Asinado pola **Presidencia** de Portos de Galicia



